



擬山園選集卷之七十三目錄

行狀

少卿九如呂公行狀

兵部尚書節寰公夫人宋氏行狀

先祖祖母行狀

先君行狀

先母封一品夫人陳氏行狀

亡妻一品夫人馬氏行狀

擬山園選集卷之七十三

終

擬山園選集卷之七十三

孟津王

鐸覺斯甫著

行狀

少卿九如呂公行狀

今海內稱好學恒屈指九如呂公公諱邦耀玄
韜其字也別號九如考諱棐累封太常寺少卿
祖鳴瑒鴻臚鳴贊乃工部右侍郎贈尚書蒼南
公諱鳴珂兄也再世而上諱昇翰林院譯字官
昇幻庵公第四子幻庵諱文英孝宗褒其善畫

賜職錦衣衛指揮同知錫金幣錦袍犀帶武宗
皆進大祀圖遷同知推恩三代其先會稽人繇
六世祖處士諱居簡徙麗水居簡公善醫子諱
樂善入太醫院宗實公考璧祖浦自居簡公始
入燕數傳養冲公遇異人於途鬖髮博袷遙羽
扇前曰公世胥厚德子當貴為名臣卽九如公
也公母公氏累封宜人蒙陰詹事學士公公諱
家臣女生公公生夙慧長睂鉅目坐不邊行不
傍置履言笑不苟十歲為制舉文十胥五公舅
公公諱彙命賦詩援筆輒就誦書日可數寸過
目輒不忘遂博覽經史百家聲噪長安公公謂
養冲公曰胥子如此少季操觚且胥度世不乏
名公卿恨名公卿家乏令子弟耳養冲公為擇
婦慶都教諭朱應暘女笄總胥家教是為累封
宜人歲甲午督學山東李公晉選入順天學補
增應試皆養冲公家漫削胥力者又數侵侮不
敢薑立公見養冲公胥苦狀務擊捩回其噢伊
夏嬪好戢柳博養冲公須臾歡事兩尊人嘗奉

麴糶供親奠覈自食其重公聘爲子弟師公益
加攻苦丁酉季方弱冠呂尚書登賢書又三季
辛丑第進士出抑所唐公文獻門是季館選庶
嘗呂選元同鄉王公故癸卯授戶部給事中會
神廟方勵精中外膺蔽官或私昵公抗疏白之
極言名器濫觴併呂分黨與不念朝廷爲辭不
報胥異省某思甘心於某選郎公領之異省者
胥慙色養冲公問曰適賢人何言公曰甚哉彼
黠也吾居心唯廉直是矢肯彈事呂易吾心漫
領之丙午陞兵科給事中目擊文選考功多馮
胥吏吏故猾且呂賄僦公上章談射切中皆弊
劾考功司潘姓洙者一肯股栗懼而自戢無何
黔中安疆臣亂冒襲府官屠掠男婦并吞又司
攻圍內地城不下安酋暗遣撫臣郭子章紅小
旗金字雙鈴公聞之僭狀曰國家安危在邊圉
今若此奈何叅撫臣甚力後十數季安酋果大
倡難剿京屬歲不熟皇上動借太倉銀七萬京
糧一萬九千軍士賞餉不贍商用告困至不得

與三老嗇夫較尺寸越三月公巡青草場發其弊掌場巨惡王道索商人嘗例約七十兩貼場六千餘太監楊致中積奸項國佐李尚武奪人田橫肆無忌府學生趙之璧之妻之子之母皆繫厥瀕歿公連牘奏之處當其罪是璫多不法方胥寵於上公曰狼可牧羊耶奏其狀皆及遼東稅監高淮專擅乾沒蝻蝻其民且言丕危四患上覽之可其奏高淮等銜之明季值大計故事方面官已傳揭黜陟公為條陳縷縷絕一切居間凡親故夤緣席奧皆罷督撫戴燿陳用賓知府龍文明因不免所特薦胥司多端人如何公廷魁李公若星楊公州崔胡公繼升璩公炎嶽一岿貪墨藩臬縣尹陽矯臬勢斂手避矣丁未巡視十庫朝房楹簷火公樹言切直謂怠政廢事天變警戒上怒甚所知私為公憂公謝曰臣子委心事主他何論焉不逾岿上霽色是季吏部司官俱陞內無外轉公詣當事曰不可當事不悅公疏止之事竟寢神廟中季靜攝章奏

留中公請疏通言路先是蘇州晉江兩舊輔復
有欲起者公不許露章亟舉呂公坤趙公南星
暫公于汴人悅之本季十一月丁公氏宐人艱
窆祭禮從朔庚戌禫除補吏科左座不揖雜賓
親戚貧者粗疏俛僣公解俸簏與共縉紳間無
不欲公一假顏色為榮一二不逞憚公嚴前事
中貴不慝陰齟齬公壬子左遷河南副使公豪
髮不介欣狀就車河南如陳蔡雍丘朝歌鄴下
季無給禮橫盜爭擗掉磬旄麾鼓角相與跽藉
躡履公至榜諭犯罔貫夷門枕黃河秋大水公
葺治理所役諸僮服輩大繇無困鳩數月工訖
所省無訾東西迤千八百里自此不災衙役狐
鼠往往匿形走他鄉癸丑陞提學六月聞養冲
公訃公毀瘠如哭公宐人不歿曰吾不復作唐
梯蹋索娛巫灸擁笏盡心於君敢不勉旃客有
稱北海汜君比者公沈澗泣丙辰補河南提學
副使試泐嚴無或輕犯視試牘目如巖電學古
而才者無疎網也往歲伺間潛投幘幌膏梁家

濫冒米廩公勅役懸筐曰勿及寢門絡繹至者
筐之筐滿付炬人咋指退不忍孰誰丁已厥配
朱宐人呂內匱歸終身不再醮室無媵嬖當在
河南政務殫心公覺胸膈間怔忡上疏養病詔
可乘肩輿游山水隨意吟咏蕭朕無意人間也
朕公望歸朕曰九如不出誰當出數推轂公陞
通政使司右叅議公不得已出辛酉神廟妥霽
光廟嗣位不數月升遐今上呂冲齡續統議者
欲徑去光廟泰昌季號公疏力爭謂孫不可承
祖號子不可沒父季兒童婦女皆知泰昌文書
奏事仍用泰昌季號不忍忘親也大當聖意又
疏保泰昌太后慈顏又隔中宮敵體未迷皇上
一身獨處左右宦豎賢奸莫辨惟親諭大臣決
行止報可辛酉冬東兵躡廣寧我軍失利公疏
十三款防關防修實事派丁勿擾民改河北山
東本色濟漕運設巡撫總重任為疑兵遂薦兵
部來公斯行都門弓定日久人心玩愒公憤發
第一呂西兵宜善款無惜金錢賂西兵呂合交

之謀爲伐交計儲犒賞且亟練步兵清帑金言
言胥關廟算上命大司馬擇疏呂行方踰季西
兵狡詐稍稍動陰蓄逆謀卒如公見薊門京師
咽喉公請關呂西連薊門多築墩臺設立義勇
詞更激烈人無不濟皆屬公者未幾公復病日
親藥餌不預外事癸亥轉大理寺少卿秋轉劇
公竟不起嗚呼公德行不骫譎文而壽卒四十
六季不配德事業未竟天道與譎何其爽歟按
公弟諱邦燁早不祿弟婦孀居皆公所給公性
淵箸淳泓弓生不失口愛獎引才賢胥元禮風
縈爲閩中葉相公麟武錢公方水鄭公天行丁
公所敬禮且隱人過粥粥不勝衣焚券罷償儻
募人不及也庭不設音樂僮不得乘馭婆弓日
雖浣殘翁綻待之未嘗無禮嗚呼非德人能如
是與所著宋宰輔行錄國語評通鑑日抄詩文
四十卷公生萬曆戊寅季十二月二十六日卒
天啓癸亥季十一月十八日公丈夫子二俱庠
生長培之娶陝西布政司叅議房公諱楠女次

堪之娶江西按察使梁公諱應澤女女二長聘
山東右布政李公諱本緯子汝芝次字國子生
任公諱之崧子大壯

兵部尚書節寰袁公夫人宋氏行狀

余爲史官昔蓋與夫人子戶部山西司主事袁
公石憲諱樞周旋晨夕故得聞袁母持家曉大
義夫人父寶睢之王政里人母紀氏夫人爲次
女崇禎八年七月十九日卒年七十有四距夫
資政大夫兵部尚書袁公節寰諱可立之終一
季九閱月夫人季十四司馬公筐采有貺命矣
事翁姑受事有數饗殮井曰之操必自邇公方
爲諸生嗷嗷苦不足曰供筆研夫人曰衿襦進
笙簾前蕭惟謹公好客客至甌鞞嘗匱夫人有
曰佐之恐曰爲公憂或鬻之或貸之曰紆公也
公授弟子于張氏夫人歸寧問車于張弗之予
夫人不義張氏曰吾夫婦亦云辛苦墊隘矣車
之底告弗之予非歡曰承命豈臭味也者而不
太爲公笑曰朕急病讓兵之謂何遂俱太戊子

已丑公乃售授蘇州府推官公小心恐事有滯
積出歷州郡不能無相顧夫人攝家政甚肅一
一皆當公意而於刑皆勸公多寬恤壬辰上續
得上考宋母先封孺人公陟山西道監察御史
數顰言罷歸公營別墅于牟駝岡已娛兩尊人
偕夫人長跪柔旨酒奉已為壽昕夕善事之又
築圍城南命歌者擊鼉鼓雲璈聲琅琅夾振駟
伐已寫其胸中砰訇磊落之氣兩尊人亦知公
不鬱鬱曰庶無憂乎昔公尚未舉子夫人愀然
屢已納媵請公曰敢忘子之重勤迓潘公松女
已副焉生子即戶部山西司主事石憲公也夫
人無子視之如已出曰是子邀福于先公不頹
其祚朝夕釋憾于中者此耳方周一季病夫人
抱之七日夜不知食寐未幾潘孺人卒夫人哭
之慟石憲長勸石憲曰願自愛命子齊衰三季
光宗庚申秋起公尚寶司丞宋母封安人熹宗
辛酉公陞本司少卿封宜人叵何陞太僕寺少
卿壬戌四月公擢左通政遷都察院右僉都御

史山東巡撫是季妖賊方蠡午公欲召單車往
夫人曰吾知君任職不辭難狀道險阻矣東人
杖公召安吾不避歿召輔公遂偕往公至登鋪
皆徂定汰客兵而摩厲之于義土著善用之三
衛旣復戎政各經召軍實報司馬門上其事夫
人陰有所襄後召議物毛文龍各螫公者夫人
欲與歸因公晉功召少司馬晉公秩得誥封三
世封淑人陰其子乙丑起公兵部右侍郎尋轉
左侍郎多所賚賜公語夫人曰孔棘矣昔方煽
旤薦紳人之出處智不如奂耶吾倦矣會袁崇
煥遣僧弔唁于敵公力詆非策其各意制敵歿
命乎辱國之命而使敵人輕中國敵國得志其
能忘我中國邪此尾湛肘潰之說也遂勒令致
仕當事知公加公兵部尚書賜乘傳歸後叙功
加太子少保予誥公辭加銜宋母至是封夫人
云石憲尋轉戶部山西清吏司主事攝香蠟事
事多中制瑣屑不能堪夫人召書戒之曰利之
啗人也貪且反義事勉之寧自吾吾不厚是圖

呂爲諸大吏笑足矣石憲廩廩頓顙謝曰樞不
孝讀書知自愛毫釐不能汗其守呂戚我母氏
癸酉冬司馬公病革夫人左右之呂得正終乙
亥二月流寇薄睢陽城下睢之厚貲家多遜去
或穴地內金焉夫人曰子其鉢乎淬甲登睥高
高下下不惰鼓音石憲散金二千呂振其旅夫
人命婦女爲炊呂飽城守者睢之不墮亦夫人
力也歲饑夫人煮粥施衣多所全活其不閤于
大義如此女三適某某孫三賦誠廩生賦謚賦
謙妻某氏孫女二曾孫一燾嗚呼夫人之神袁
氏多矣不知其婦視其夫視其子弓彊彌亦彊
衣韜裏亦韜持內而無稅政予于袁夫人見之
矣此石憲公之所繇腹悲也

先祖祖母行狀

按寒宗先世洪洞人徙孟津傳及成及智及鼎
及幾乾封南京戶部郎中曰公父生兄弟六公
則季諱作號定宇後贈禮部右侍郎二歲失母
十七升泮春秋四十九也又將四十季而太夫

人馬氏八十七不食新矣世宗嘗天下中謚俗
豐無戎士大夫喜陟進公髮燥已軼其儔胥司
馮公器之公恥為謁比嘗胥志天下事事未書
山公龍門礪中孟公化鯉李公根仲兄弘宇公
价畢弋今古目攝焉識也弘宇歎曰越矣哉吾
弟才而不讓夷匠者齟之扶矣因藉藉多公公
曠狀自尚迨穆宗朝寬大峭峒憑木公聞趙公
貞吉引退曰獨不能為朝廷擊險薄令賢達呼
晷道可省不謂何哉弘宇曰神宗始科第家漸
熠公白布絰衣骯爽佻佻也分爨各六畝偕孺
人事旨羞孺人績紡惟勤公不問咳禾秋入棘
絮癖潔惡立全濁未卒事捲裝僦驢歸凡民聖
閭利公為牧官勸數通弘宇曰為政藉其稂而
滋嘉乎則可是也丐反佐佑物鮮害迂私事胥
昧公若湯之探不訶口焉狀性固傲立不人熱
亦不矜寡侮見躋阨者不克紆歸對孺人泣曰
某無饕某無引奈何聞恃執家狠面腴剝貧子
悍目憤氣欲椎堪之陳公惟芝督學趙公奮義

公曰河上王君不謂纂修厥身不盡食人者乎
陳公令其弟泰宇締呂姻每好飲讀書不襲章
句感神宗開采權關大言曰廟堂上齒牙爲猾
誰秉成哉百姓凶勞恨吾不得補牘耳自是益
放達浮長鯁蒔菊梅三百餘列瓦几僵卧樹竹
下甌胥米與友人彈箏起舞悲歌自得所胥鏹
皆分人甌罄不略縈也孫公鳴金馬公從龍載
醪問奇車轍迨餼門人丁行恕任本中本直諸
人訓金來郤且謝是皆邊燧寐弭神宗靜理當
路又寡引薦者故居恒志怏怏無意天下事矣
泰宇公過訪無病拱揖而逝萬曆壬辰季四月
十五日也嗚呼使胥玄纁肯徵維彼皎駒黃矢
之德必孚于利人焉使它人委佗伯兄諸貴人
亦不至貫酒無肉竟終窶也狀此正公所不屑
也公亡後贈少傅兼太傅武英殿大學士兼戶
部尚書孺人孀轄三十九季拮于家性復如公
介而石者後贈太淑人歷光宗熹宗至崇禎三
季正月初六日終蘇門兵患孔熾大師禦之卜

者曰二月星惠從卜言二月二十二日合葬維
北雙槐鎮邨山之陰子二曰本仁封禮部右侍
郎又贈少傅兼太子太傅文淵閣大學士曰本
惠庠生孫六曰鐸壬戌第官禮部尚書甲申進
少傅兼太子太傅武英殿戶部尚書文淵閣大
學士曰鏞貢生冀寧道僉事曰鑰廩生崑山知
縣陞鑾儀衛曰鏞蘇州太弓二府知府曰鐸廩
生仁出曰錫庠生惠出曾孫六曰無黨廩生南
錦衣衛指揮僉事曰無咎丙戌會魁庶吉士秘
書院編修曰無妄無羨無技無回庠生中書科
舍人廕侍衛尚穉女孫女俱字良奧乞大君子
賜銘

先君贈光祿大夫少保兼太子太保文淵
閣大學士戶部尚書行狀

嗚呼先府君見棄九閱月矣不孝兄弟又今三
人忤營徬徨不知所措欲摘詞寇兵崩拆而淚
涔涔不能操筆及秋與弟綴遺事據聞見聞見
外惜無可問也狀曰府君諱本仁字性之號梅

園祖自洪洞徙孟津數傳成子鼎爲鄉飲介鼎
子幾乾諸生封南戶部郎中乾子作諸生號定
宇贈禮部右侍郎贈少保兼太子太保文淵閣
大學士戶部尚書是爲府君父府君兄弟二府
君長次本惠諸生府君生穎異不好戲矜已諾
恥爲屈曲譎誑慮事沉確定宇公愛之稍長從
師于舊縣受易馬先生好古有矢志諸弟子博
塞府君不謂善堅坐伊吾勤勞不與俱補縣諸
生事事篤信神凜凜不敢欺也其後定宇公沒
家不窘善事母太夫人馬氏大豪與族之黠者
比大豪虎冠多貲鬪產之腴因構府尹幾陷令
某聲酷烈視賄之多寡有無爲軒輊好殺呂人
命爲玩多賄卽姦如山不熏案也牽掣數季某
令去他令至賢始白府君犇走對簿得脫蝮螫
外侮相踵自是家之資用不物矣兼之勲定宇
公喪雖貧棺必麗槨曰恨無呂報父耳佗日卽
終窆噉糠覈不悔也其于學矻矻鷄鳴起漏下
不寐試高等及省試則下第俯首授里中弟子

府君達于易得轅固伏生指諸富室少季博飲
挾妓恣而溫蠖袒裼號呼招府君府君未嘗一
至爲弟授室妹笄字皆府君拮据或諷盍買什
一乎府君曰知備與豈構亭其輕重已爲射泄
夫豈不知也恐巧刻胥傷已爲神厭吾弗爲之
已而種樹藝蔬已給饗殮富者欲攘之黠者復
佐而嫁之旣速府君訟且慢罵邑令程曰王生
淳絜人汝蒼鷹哉乃敢公堂虐人乃鞠富者理
之無頗富者出猶側目也黠乃狙壯士持白梃
夜伏于路陰已擊府君而府君遁矣其後婚嫁
繁家益困者八季不第衣琴樹檀書石無不賣
府君蚤夜督責鐸曰我讀書半世不敢違道大
猾巨慙奪吾產至于中窘何難捽而殺之念祖
宗數世來教子孫忍今快于一逞如祖宗何汝
其肆力于學勿貪利已玷身名得志勿效他人
鷹戾也疇昔大豪與黠忍之勿報怨如已殺人
爲快意借強聲梯功名此與猾人何異卽鼎貴
列俎豆跪而進我我能開口而笑乎鐸與諸弟

拜首曰唯唯迨辛酉秋府君持書參眷特視獲
晉陽山陂聞人曰騎過某邨某某中也府君泣
漱漱下曰天乎我家之不造受諍暴者無限侮
辱忍默呂受之而無一日之愉色乎頃之騎至
矣府君乃一解頤亡何馬太夫人歿勤事必誠
慎其後封翰林簡討封翰林侍講又封通議大
夫禮部右侍郎贈少保兼太子太保戶部尚書
文淵閣大學士贈定宇公亦如之府君焚祭松
楸間泣慟親媼來賀尋復熹曰數世用義自藩
不欲吞人業幸小子食祿上游壠祏于願足矣
蝮歲飢施穀數百石黃河救溺者歲用四十金
活之不能娶葬則幣之槥之田畝竊耕者不言
代輸稅讀古史細字燈下目炯炯也北渡易水
督亢觀長安樓觀甚壯已而南下符離滁陽眺
望鍾山登燕子磯上棲霞窈窕遠修焉天際裛海
山之氣歸而北渡風濤脅天至夜榜人皆哭不
知何呂至淺漱也舟得無恙抵家寇滿遐邇欲
斷雒股肱攝篆者酷痛呂窺汴噤如醉泣不事

事府君捐千金貲繕城饗士親行城上飭于振
料寇之出沒寇至城下相戒多所瑱撫尋無犯
王氏艸木生焉不爲一不義事受齟齬則忍汚
呂容暴淚落自投而愴勇沉執遇不弓輒仗義
攘臂弓出鄉人因是逾服府君屢請鄉飲賓筵
後不赴府君長身有髯面色晝爲人篤信朴率
無幅狀嚴家教鐸于弱冠夏楚百有餘愛弟不
弛卹族惠隣一生不入俠邪好栽花竹里中豪
黠往往贊助之終身無一言又不第不報也見
人無老少皆恭謹嗚呼天乎胡不百季藥物無
功哀籲廟祠不延惟遺教兄弟和姊妹卹云爾
十日而終壽七十有六里人嚙悼若有所失生
某季月日終某季月日配一品夫人先妣陳氏
別有狀子某某云孫某某云女云著有
書二卷龜言曰某司日可塋城東雙槐南山祖
塋敢瀝血泣請丐大君子之文以旌先君之墓
先母封一品太夫人陳氏行狀

先府君呂公季冬終先太夫人在朝夕膝下率

子婦上食奉色笑不意方四閱月而母太夫人
逝矣嗚呼不孝無德多愆又無以將母哀哀此
心抱感何極母姓陳氏歲貢贈韓城知縣陳公
惟蘭長女母鄭氏贈太孺人母之歸府君也母
伯光宇公繇御史少卿爲應天中丞食指夥定
宇公好客客至擊鮮挹醪于花竹前豪飲不醉
不止資稍訕母偕姑馬夫人蚤夜操作不少怠
迨定宇公歿外姦媾訟不休府君焦心激憤于
功名之未遇又不能浮湛狡人前恒相對歛歎
娶弟婦嫁妹取釧珥鋌柎鬻之市以供朝夕井
手汲莖簾爲爨不日重馬夫人感也無何家益
窘薄田十餘畝不收債家奴登堂咆哮幼小駭
走鐸拵書攝衽起多方經營以償府君與母泣
曰賢人數困我我第忍之又數季子女婚嫁食
指更繁母勤苦不告勞麥稻缺買粥餅不能徧
諸兒兒半飽母略茹藿則腹饑矣及馬夫人歿
母從府君含斂盡心及禫猶慟會母弟具茨公
成進士又三弟舉于鄉母喜鐸徼屢命食大官

揚山園選集 卷十三
俸父母皆健飲啜陝坐諸子孫大喜曰我括髮
為爾家婦今周齒為爾家母難矣哉顧府君曰
可記狡人侮肯耶自今曰後誠子勿忘我餅盡
腹饑肯女勿忘我釧珥鬻市肯也母為人慈恻
賙六親有怨終身不報嚴于御婢奴奴侍立
不寒自慄自少及老中從府君南北都襄助非
一明大體誠鐸勉報國恩勿苟進庚辰冬府君
歿母哭之慟曰又十季偕老不忍自為飲食哀
傷于內遂曰疾至辛巳四月疾劇瀕危猶嘑鐸
及諸弟及妹及叔舅氏詳而不亂曰不必藥汝
父令吾去藥吾其整軾往矣日中遂終嗚嗚操
筆為狀不知淚之漬也府君與母相繼奄逝俯
仰天地身乃獨生罔極未報其何曰生歟敢拜
懇司文鉅公賜之誌銘豈但一世之榮乎母壽
七十有三三封始躋大淑人後贈一品太夫人
生某季某月日終某季月日子某某女某某壻
云孫孫女俱見前狀

亡妻一品夫人馬氏行狀

自先嚴之不世也余擗號躑躅無呂爲人也而妻夫人馬氏相繼逝慟矣胡忍言哉方欲踐偕隱約耕牧淡山種藥養豸呂爲餘歡詎謂逾一季長訣耶恒聞梱事不外著第緦績烹醢事耳曰婦之細行不必纚纚書惟馬夫人胥肇造于余家其德功不能泯也狀曰夫人姓馬氏孟津東二十里花園村香河知縣馬公從龍女馬公字雲合母徐氏夫人蚤失恃十八歸余未讀壺書而知道或曰雲合公善甄壻王氏豪而寡如朝舖何夫人曰爾何知卽長貧亦命也余十六入庠雖家四壁自期許羞與勢利伍多妬齟齬譖者騷動致恃其貲者面詫余余色動夫人曰忍之先太傅爲諸生十季胥黠者數見侮呂凋余家先君皆善謝之一子女多食指衆或日至申尚不得米夫人出其衿襜錠柎市呂供先君先母衣食翦其餘呂餽余諸弟姊妹大雪室中無木柴夫人抱呱子于圃中拾枯木敗葉口炊呂煖余二十餘廩餼累不第試屢軼曹耦里中

人復譖佗，佗不丐。夫人曰：「丈夫力學，期効用于朝廷，胡動尺寸于勢利人乎？」余心俞其言。歲饑，余肄業西墮寺。夫人事兩尊人，莖簾，日爨，手操井，日朝夕勞苦，日奩攜拾戢，庀饗殮，其瘠蓼之困，難言矣。大司寇鶴皋喬公素器余，謂人曰：「里中賢家，第曰酒肉，驕人耳。豈知王生者，延余上座，命弟子北面受經，賴資斧，稍不餓。夫人曰：『君豈終窶者哉？』夜讀書，佐曰燈晝，則作杵甕，饘煬之事，不憚。皸疥勞苦，猶故也。」辛酉壬戌，余第迎兩尊人至京。夫人隨侍，躬滌器，潔盤匱，上食，蹑踏，蕙蕙，狀綺縠，諸物悉曰奉舅姑。先母善病，恒腹痛，不可忍。夫人扶掖漿粥，藥裏吮摩，抑搔病良已，猶立左右，不就寢。先太傅君嘗語戚黨曰：「大兒婦賢，鬻組幕，曰佐緩急，無私蓄，勤于我家，可謂孝矣。」夫人從余居秣陵，病痢，余亦病瘧，夫人事余，湯藥若忘已。病後，曰余亞卿封淑人，孟津寇侵，置酒覃懷，辟旋拜兩尊人堂下。兩尊人舉卮亦喜，已而泣。余性謙退，遇橫逆，輒不能忍。

淑人宛轉曲解之客至治具余不言饜核畢備
聽講張爲幻者誠余慎交且斷其必敗後如其
言方余爲亞卿嘗武陵楊公主勦寇事寇益猖
獷不可制無敢言者余疏上十餘日不下傳武
陵嗾朝命廷杖余家中臧獲大小咸哭余曰棺
斂事囑夫人夫人恬狀曰君爲國家卽杖歿不
失爲忠臣無憂也戒家人勿哭尋得寬宥余陞
南禮尚書宵征塗無廬舍蒿中井竈皆屍數遇
土寇多所震及新鄉大寇又驚孟津寇盈山谷
不可邇暫居懷而先太傅與先母太夫人四閱
月見背嗚呼天之不造余與夫人袒跣被髮擗
踊號幾無生理戚黨勸之餽入口夫人斬斬襄
喪事雞鳴起一切戢庀區量錢刀錙銖含歛槨
柩皆胥等余叢疚賴曰相之迨壘于室拮据治
生其惓憾不遺餘力訓厲鐫切下至畜特蹄角
咸自字之余曰家貧累夫人至今積劬爲瘁夜
臥心數動不寧恒藥焉匍匐畢先嚴殯事渡河
修壠前屋居山上大寇至先是亡賴結聚寇臨

城門忽開城破余遭濡念墓木未拱不忍去欲
擐甲率諸士禦于砦夫人促之去曰我婦人也
不腆粧笥何足恤君當保身為正豈與握符璽
者埒耶遂往游于吳呂刻積艸携夫人至新鄉
體覺頓項後白粒小也行至曹膿潰生肌至夏
鎮及桃源而瀉癰遂不痊舟艤古城而革倚枕
銜唳呼余與子女曰我君家婦食不三簋衣不
華裙育子女勞苦茹荼亦云難矣幸不長貧事
無巨細呂忍為勸今不克終事君命夫君其勉
呂遣自迪言已長逝季五十三是歲壬午十一
月二十六日癸未返居蘇門乃卜土窆于新鄉
城東二里水柳灣乙酉贈一品夫人子六長無
競殤次無黨貢元授錦衣衛指揮僉事世襲歷
任掌衛都同知改授山西分巡兵備遣陞濟南
道叅議次無咎丙戌會魁秘書院編修陞侍讀
學士次無回生員廕授中書科中書舍人又廕
侍衛皆夫人出次無技側室陳氏出殤無頗媵
石氏出女一適兵部尚書太子太傅忠節公呂

公維祺次男戊子舉人兆琳嚙嚙其斯爲夫人
之德而胥功乎夫人爲王氏掌故者三十四季
中間貧苦相弔至于仕路人情艱危勢利傾陷
往往坎躓恫鬱之日少所恬快少當其窶雪中
拾木柴與竈養炊婦分役不日爲困及賢則茵
鼎禴翟笥而不御處之淡狀無異日申不米之
餒無揄滅脂澤無矜驕色不日之自泰也細逮
相事妯娌姊妹侄馬公子孫無不分甘襄余兄
弟五人五十季不析爨薪織鹽醢胥求無不與
賑人活饑無少恡待側室仁側室子無技長不
知非已出也兵戈失家播遷無棲慟矣胡忍言
哉嗚呼盛衰生歿之感於人世遭遇謂何也

擬山園選集卷之七十三 終

擬山園選集卷之七十四目錄

祭文

再祭喬公文

祭吳隆媿文

祭陳具茨母舅文

祭永寧張仲子文

祭李嬰侯文

祭葉台山師文

祭馬雲合外岳文

祭丁座師文

祭祖母文

又

祭陳蓋吾文

祭董太夫人文

祭張季伯文

擬山園選集卷之七十四目錄終

擬山園選集卷之七十四

孟津王 鐸覺斯甫著

祭文

再祭喬公文

嗚呼公之生也天若胥意與國家之治公之亾也正國家多事之時天下尤望公大行其志而公乃棄乎世耶嘗論人于三代之下求其始終一節完名全行胥功于世而人不知者幾人哉蓋爵位世所胥也老壽世所胥也卽樹功建奇

獵譽于凌烟配名于石室亦世所胥也而余所
呂哭公獨不在此嗟嗟余反覆思之天無意於
世之治歟抑公兮生亦不取婚于天歟人胥愛
憎天亦胥愛憎夫人卽聖賢亦胥錯誤抑天亦
胥錯誤歟何也公不當歿而歿是天之錯誤也
天早知其誤何不擇世之諸宜歿者呂代公耶
朕天則至公者也公則愛君子必篤篤于愛君
子則必欲置諸左右公不婚天而天反愛之天
果真胥意興國家之治歟胥意興國生公何篤
歿公何爲于是覺天之愛憎蒼茫顛倒而不可
識將謂國家之治興公之存亾天之意漫不權
衡豈理也哉如是則上帝之庭多一興治之君
子而國家多事之時急需衆君子乃少一君子
呂興治天所呂愛公世人不歸功于天而哭泣
滂沱恒歸怨于天朕則公之亾獨係公一人而
已乎予素不怨天者也于公之窆也胥感于三
代之下寤歎于國家人物之故嗚呼哀哉天真
夢夢矣使非夢夢啓沃之事天何不篤之雲雷

之屯天何不畱之邊疆之釁天何不需之水旱
之災天何不託之郡縣之寇天何不借之風俗
澆薄鄉黨規範天何不表正之

祭吳隆媿文

嗚呼隆媿歿矣真邪譌邪敵人之口邪余悲不
自勝又冀其譌是已啣淚不哭又傳爲真因哭
而爲君喜也余之胸情人不盡知公則知之公
之忠憤悲歌余則知之人亦不盡知也世之相
左者多此豈苟狀而已邪姐部陽市陰鉤爲禍

公之視之如豢嬰兒墻嶺相戰殺者狼狽公欲
雪恥已報朝廷圍之七日外救不至痛齒崩心
堡上殺焚者三千餘已劍自殉未殊敵挾之令
降罵而歿嗚呼臣子萎敵邊事啓戎生心已誤
封疆豈吝他故哉貪蟬蛸之生忘歿綏之義嗜
慾者羸遜者庸陋者羶行者謗者醜者狂悖者
驕者比比狀也寧歿于房帷之中屬裊之上藥
拯廟禱而不肯憤骨損身殺敵泄憤一快于鼓
鐸鉏鋸之間已視公之歿爲何如也夫人之修

短歿生皆司衡于天胥弱冠而歿胥白頭而不
歿胥忠貞獲凶殃而歿胥不賢受肥福而不歿
歿者同而所曰歿者霄壤矣使天下臣子皆如
公之歿則天下可扶治而除亂此余之所曰悲
不自勝者乎雖狀曰公精銳之氣英爽不散必
將擊敵雪恥恢復舊疆安知人所謂促轡者公
不結爲大季乎則余轉爲公喜而又不必爲公
悲也余纂明書爲公立傳曰不朽公公固不待
余不朽公胥著述余爲傳之公胥子余爲長之
余所曰慰公于地下者如此而已

祭陳具茨母舅文

甚矣知心之難也甚矣知心之慟也余通籍十
有二年矣踽踽之槩蹉蹉之守胥吾舅在吾兩
人抵掌曰談曰始終無貌不亦人生至快哉而
孰意世變存歿之不狀也方其締社于吾舅也
予髮始束篇章指授入其齋則詩書胥蘭蕙之
味余少季期許易視曹耦多自負氣吾舅曰子
于一第猶掇之耳視之易斯難矣予乃氣懾克

其麤豪之氣折節讀書不敢出一辯曰亂吾舅之可否又數季余家田止十三畝不能一日兩粥流俗誰肯相哀者吾舅或佐吾母衣食曰子不憂不第但得志後不驕于位不暴于里如是則吾始爲子一撫掌可乎余之第後小心謹守不敢觸吾舅曰所不樂今其言二十有季矣天乃不少畱曰藥吾性補吾過耶卽不爲余一身乃不爲朝廷一旦緩急之需耶夫一七一箸之侍一喜一怒之共一貴一貧之交吾舅從來

不棄余而今忍棄余者何哉棄余且九季余在京在里閉門一卷稟吾舅訓不驕也不暴也每肴所撰自娛而無與語擊節曰使吾舅見之其相賞何如乎寥寥宇宙其誰知之人人生至快莫大于千秋之業至于鬱鬱無所語無所語則無所快雖處仕塗列珍而啖列朋而觴肴味耶無味耶曩者渭上養疾陳安諸僕從朝夕侍藥餌扶起居尚能在吾舅前稍盡咫尺之報而余纔抵里卽返舅歸卽肴凶閔夫曰詩書肴蘭蕙之

味可否不亂不樂不觸如此知心而受知心者
反不能侍藥餌於一日盡情慄于咫尺嗚呼慟
哉吾才不及吾舅十之一方欲與吾舅馳驅仕
路激昂霄漢協力共濟日報明主而緩急之需
吾舅今已弛擔也槩則踽踽守則硜硜余也何
才何能子子一身處于世事傾洞之際能望獨
脊建樹乎哉舅一徼于前路脊所樹立誰把余
袂而笑也耶余十季來數數夢與舅語或腴或
瘦或衫或冠或哭或踊或坐或立或久或暫或
笑或言無非心腹之事外人不及知之談若夫
陳氏百季長久計也乃今嗣立矣素憂吾母饑
寒吾母今不饑不寒矣吾舅不亦可已安慰也
乎雖狀吾舅安慰而予入其齋書帷宛然七箸
宛然吾始吾表妹宛然凍雲緊風之中如聳聲
音如見玄冕垂纓之狀何心恬狀獨生爲耶世
之歿者曰脊子也脊孫也或未齧未婚也或八
十或九十也猶可已解舅無子無孫不老不幼
半世英雄僅僅兩宰秦邑天乃令其若此嗚呼

揚山園選集 卷之十四 六
余之哭吾舅何有已時歟狀則余之哭吾舅也
卽謂不呂甥舅不呂骨肉不呂同社不呂同里
不呂貧賤恩私不呂數世交遊止哭一英雄可
耳嗟乎哉天道如此則無爲貴生英雄矣耿耿
此心其謂之何

祭永寧張仲子文

皇之丕載張二親丈不祿奄及秋悖予初之聿
道云遠恐譎幻又數日倅來曰其允出于不祿
嗚呼慟乎乃實乃茹茲感言終日罔不盡心天

不弔降喪於髦士其殫殲在良呂不克永亨光
於前緒不惟敏學不自肯荒祗服乃訓蜚厥譽
將賓於上國將匡乂於庶事肇勤于紹于劫于
廣罔弗怛弗庸若旣菑畝斯播乃冀有獲旣櫟
斲厥木厥木直方乃求章施于丹堊丕采誕惟
往歲予聚則屢言笑婆娑晏晏旦旦勿替有暉
彼時日月其征篠簜其陰畏罪其環予心耿耿
時自攜持矧曰世戚肆予曷能不越邛涕泗我
私予曷敢怡羞食用徬徨靡康况敢涵于逸樂

惟是不腆篚匭陳厥醴話言敬忌知爲念昏予
不爲憫于何已憫若瘵於肌若氣血之脊底轆
自恤自灼若耄季之荒忽惟恍惟儻惟驚惟疑
惟失昧昧翬翬予心其脊旣哉嗚呼慟乎天乃
悽悽不令而艾而耆惟是已文已穀乃得弘賁
家世所自爲篤蜚翼明之事胡其不隲不俾多
厥季所邁茲閔歿俾予悽怛無所籲命嗚呼天
眷脊德天亦惟篤後眷厥嗣其茂必大祥起已
煥靈充開已稽猷自行充憲圖事靈可自妥天
之不爽應則靡之不脊叶蒞哉斯味脊來洋洋

祭李嬰侯文

嗚呼余于君垂髫往還三十季矣中間貧困坎
壘世情濃淡愁居懾處欣喜歡愛如昨日事耳
迨余歷仕途親爰之中言辭稠濁炫熿于道面
從者亦或脊之君曰否否人生得志患已威脅
乎貧弱已牟求之偷取一旦之富厚已市交于
權勢可笑也能不狀者不祠而福矣君之苦言
固猶在耳夫不忠不信於余何傷抗詞砥孽而

不冒人於余不吝益耶君之語我可謂厚矣每
一旋里汪狀河洲颿影初落顧瞻親及呼之而
在也家園之內酒觥淋漓月星羅罍君善楚歌
悲憤俯仰數說不亏類朱亥毛薛報讐灑辱擲
蒼兕而殲虎豹胥叫天門排席座之意余心壯
之謂其氣可已用也及余將南下秣陵君過我
齋中意氣陽陽毫無疾病之色割豚蹄炙枯魚
數至漏盡意興猶詡狀不已也送我踐雪時方
凜冽乃引于坐淡語毫不及生歿事抗手相別

雲山縣邈余之燕磯牛首峭山大江之間輒語
客曰安得吾嬰侯至哉肉袒翕卮鼓腹吹箎呼
盧爲狂豈不足已灑狀易慮豁達胸臆耶于是
一坐稱善因之攜鮓魚橋餅玉蘭之酒虎丘之
茶方欲與君樂且未央而詎謂此酒此醢卽與
君爲幽明之隔耶余至雒汭聳蒼頭言猶心疑
之及至津浦顧瞻親及相見之時欣喜歡愛趨
鏘揖讓呼之而君在也曰不也君真歿矣君真
歿矣嗚呼君之抗詞不屈氣操十人之椎似乎

不必歿寇薄城外去南山數里人言中丞至恐
寇廷我也慄慄蜩縮恐寇奪門漏刻命懸惟余
與君輩擐甲戴盔持鐵鞭革抉吹苒當其衝而
禦之幸不遘其厄城中獲安不狀是所謂蹈毒
而買禍者也君之淬膽如刺飛許救甚勸似乎
不當歿虛中太公介亮長者無譏譏骫行枝大
葉繁諒焜其先世之隱而匪凶之卽神聽不惑
似乎不能歿而何遽呂四句止耶果天歟非天
歟抑皆偶狀者也余之所不能解者此耳狀爲
君思之得無呂未竟具用爲憾耶從來抱奇氣
負俠腸者而鬱鬱呂歿者何限豈獨一嬰侯此
可不憾所憾者生歿未得面訣歿之日擊鼓高
歌怒髮踔厲兒女之私未斷親炙之情未愬者
歟一旦解桎釋縛南面王之樂天歟已脫奚不
可曠觀而大笑乎而我輩之愁痛涕洟安知不
爲君所笑耶雖狀穉壯之交離合之感兵戈患
難之危存歿幽明之限余所謂往來三十季者
也其何呂爲懷乎哉君生爲伉爽冥漠之宇必

不與凡鬼伍生而齷齪百壽猶之枯木子之剛
方是亦黃局鮐背數雖未極理則肴餘天下之
苟圖華膾屠伯而爲錢虜孰豐孰嗇知君必不
否否于斯語也况區區存歿奄忽世間尋常事
耳余亦可已收淚矣肴筯在堂肴酒在樽呼之
而君在也君猶狀悲憤俯仰能爲我痛飲酒觥
淋漓耶不耶夫已今日論向後千載今日爲第
一載也嗚呼真與君抗手相別矣

祭葉台山師文

嗚呼我師汪度詳隱三蒼苞潤澹裏朴外孤枝
馳聲委面岳立彝品牧謙默庇人瘼德滋罔譖
大海浴星茹崑藏氣鮮知其大奚測其際吾師
治所神廟初季翠河蘭陳執簡周旋襄哉宮坊
惟啓惟沃帝曰葵之爰虛枚卜宗伯載南遂秩
三公聲影鼇禁山甫補龍罔立巨典賞鏤圖斷
曛黑朱光于已翊贊刷慶交歡曰明日良金響
社稷敵愾封疆天衷祇迹十疏啓事攬情慰畱
堅遄歸志角巾瀟灑松屑投閒願精洛社迴趣

不與凡鬼伍生而齷齪百壽猶之枯木子之剛
方是亦黃屠鮐背數雖未極理則肴餘天下之
苟圖華膾屠伯而爲錢虜孰豐孰嗇知君必不
否否于斯語也况區區存歿奄忽世間尋常事
耳余亦可已收淚矣肴筯在堂肴酒在樽呼之
而君在也君猶狀悲憤俯仰能爲我痛飲酒觥
淋漓耶不耶夫已今日論向後千載今日爲第
一載也嗚呼真與君抗手相別矣

祭葉台山師文

嗚呼我師汪度詳隱三蒼苞潤澹裏朴外孤枝
馳聳委面岳立彝品牧謙默庇人瘼德滋罔譖
大海浴星茹曷藏氣鮮知其大奚測其際吾師
治所神廟初季翠河蘭陳執簡周旋襄哉宮坊
惟啓惟沃帝曰葵之爰虛枚卜宗伯載南遂秩
三公聲影鼇禁山甫補龍冊立巨典賞鏤圖斷
曛黑朱光于已翊贊刷慶交歡曰明日良金響
社稷敵愾封疆天衷祇迹十疏啓事攬情慰畱
堅遄歸志角巾瀟灑松屑投閒願精洛社迴趣

東山光廟御基求舊惟德今皇雲施蒲軫力力
震旦再輔令望彌尊上柱遠稜銘厥嘉勳睿聖
遭遇天轡克相四夷攸戒熙寧肴象碧浦赭谿
疏乞歸來金予及傳吟詠江隈嗚呼繩河文章
徽幟事業奏草丹翹角光緯月出迺龍易虞乃
極星葦蕤狄門滂暉名卿周旦肩接宙賴而靖
三朝宗臣不回于敬南燭養芟胡考告終黃繒
罷樂廣輿休春門生某庶常錄卷著述知已國
士雪車譚詩色喜別師京華緬今又春魂府覲
默思我哲人閩役叨茲入郭坏戶師和清臚遵
彼江路棘祛訃驚焦艘靡寧咫尺漸見竟隔歿
生風噎燿怒淚飛真雨茫茫天地知已肴幾畏
厥簡書越境匪遑身滯神往橈汨徬徨肅肆薄
奠嗽侑露曲東目一哭山水凋綠新撰涼伊影
弔空悲天雖不憖譽馨其垂勞勩孔擘千稔勿
拜師游僊區眎蟲細界乘鸞來臨鑒此桂觴嗣
艸些魂遍招文荒

祭馬雲合外岳文

東山光廟御基求舊惟德今皇雲施蒲軫力力
震旦再輔令望彌尊上柱遠稜銘厥嘉勲睿聖
遭遇天轡克相四夷攸戒熙寧肴象碧浦赭谿
疏乞歸來金予及傳吟詠江隈嗚呼繩河文章
徽幟事業奏草丹翹角光緯月出迺龍易虞乃
極星歲蕤狄門滄暉名卿周旦肩接宙賴而靖
三朝宗臣不回于敬南燭養艾胡考告終黃繒
罷樂廣輿休春門生某庶常錄卷著述知已國
士雪車譚詩色喜別師京華緬今又春魂府覲
默思我哲人閩役叨茲入郭坏戶師和清臚遵
彼江路棘祛訃驚焦艘靡寧咫尺靳見竟隔歿
生風噎燿怒淚飛真雨茫茫天地知已肴幾畏
厥簡書越境匪遑身滯神往橈汨徬徨肅肆薄
奠嗽侑露曲東日一哭山水凋綠新撰涼伊影
弔空悲天雖不憖譽馨其垂勞勩孔擘千稔勿
拜師游僊區眎蟲細界乘鸞來臨鑒此桂觴嗣
艸些魂遍招文荒

祭馬雲合外岳文

嗚呼人世重輕之大端可已貧富炎冷論耶吾當童時日攫棗黎岳過而省吾祖母撫吾髮攬吾手聽狀謂此壻可成爾時亦不知其言之炯也又又季吾方壯岳為姑祖母苦節季高捧檄于香河吾寄已童子試牘岳父賞之又三季迎岳于黃河之滸自此風雨晦明每相暢叙岳沉吾泛岳整吾遽岳謙遜若不勝衣而吾少季豪舉之氣未除不肯受人排譖岳感告其女曰壻才可遐騫恐氣不下耳吾聳之始折節讀書但

入城時一詩一酒一棋一畫一圃一花一譚一笑一顰一泣未胥不傾懷者歷十三季吾始第吾第而岳父居雜矣吾父素告吾曰吾與而岳童穉情親而岳性慷直善事寡母愛弱弟不屈于物羞折腰又斗今之陶彭澤也吾父不輕許人吾視岳猶父焉岳善貧家徒四壁而蕭然自得興至輒嘯歌不知身之貧富炎冷者吾旋里人洛晝夜聚語語及撫吾髮攬吾手望我藥我成我爾時始知其言之炯也嗚呼吾又不知其

言之足召慟也京塵奔鶩吾在北燕岳在南雒
岳與吾書曰處世之難敬慎而已回首在雒又
七季矣嗣是秋雁冬雪晨鍾夕月形雖睽隔夢
仍同趣吾自通州登舟次香河之岸問野人猶
能道吾岳清廉詞朴而詳言不愛一錢吾告曰
吾岳也命從者記之此可易得乎自閩渡潯忡
忡我心馳騎宵征不憚山崖水險若胥迫之者
吾准擬歸里同舟于潘塘舟命黎園鼓吹痛飲
一見岳父偃卧匡牀向吾開笑口道兮生心事

纒纒胥次尙問吾字吾詩清通不糅吾料岳父
可召不歿嗚呼曾相見十五日而岳父果歿乎
再思撫吾髮攬吾手倏忽三十季中間或約或
豐或歌或哭或離或合感聚散之靡嘗哀幽明
之異路收淚展視入而見其榻布裯草褥釜生
塵笥網蛸殘書數卷外故葛陳褐破壞不完嗚
呼廉吏可爲不可爲貧耶富耶炎耶冷耶必至
蓋棺而論定哉夫廉不餽其口東西僦居不安
于枕雒下稱之矣若夫孝不集苑自得無貪不

集于百齡天真者不可知者矣吾父茲狀告吾
曰汝何謂不可知哉汝岳者子長者子次者孫
繩繩汝岳之才颺發霞舉未能宏舒必昌于後
吾唯唯明日戒僕北發岳父之葬不能執紼東
郊徐岳母啓隧又不得同爲卮奠分離之日尤
在生死之時三十季間若近若遠若醒若醉撫
心仰涕始知其言之炯也始知其言之足已慟
也更知人世之貧富炎冷浮雲泡影而人之輕
重與爲人輕重者了不在此岳父雖六十二之
齡已孝已廉已德又何憾乎又何憾乎嗚呼史
書者筆循傳可采桐鄉之祠千季不朽况者子
孫發皇者乎壻今往矣岳母兩舅暨于幼孫吾
恒怛注吾岳稔知之吾父與吾哭吾岳如斯而
已嗚呼寒風慘悽凍柳誰折陳餽觴岳父僊馭
翩翩蕭肱自得已來耶嗚呼

祭丁座師文

嗚呼榮枯幽明之說生歿久斲之故其者定無
定耶其可知不可知耶誠完其大者行藏顯晦

弗論也憶壬戌放榜後我門弟子整衣冠序季齒揖讓而見吾師淵淵穆穆雅曰道義行已爲砥旣而或公會或私會或一二日一會如坐春風方週一季而門弟子爲假爲選爲居爲任職車馬鄉井間蓋胥半焉若夫西園藤石之飲淨業荷池之遊雨夜水中之讌風雪歡叙之期察我色而恐病柔我氣而恐剛何意念之周曰至也每從旁眠之吾師才德分而可了數十人出其識量可曰長駕遠馭爲無窮之用設臨大事大疑堅可不拔算可不爽紛沓可不亂惜不究其施又二三季而曰策中剛語折魏璫幾罹不測遂懸車解組去矣此時種竹藝花外惟肆力詩文必欲合于古作者時攜童負囊遊小西天玉泉諸山水陶陶自樂也其神韻益胥大過人者曰著作殫心又一季而髯髮亦稍稍白胡狀半月而病十五日而終嗚呼孰謂樂天知命抱洪才大業而止于四十四之季乎乍聞之驚愕失措曰吾師之才德弗享期願胥如是之不可

知耶入而見長者冠者扶牀者髮未垂眉者離
襁抱二三季者號哭涕流嗚呼吾師竟逝矣榮
枯幽明之說生歿久斃之故將安所叩而問之
若是乎其無定也雖狀古之逝者何限苟不持
道義爲國除大慝退居又不能樂天知命且無
著作傳後雖壽百季亦何益哉蓋師誠植乎其
大者也人見師之折爲之慟惜師則浩狀不忤
于天地胥餘適矣當其病不數日鄉之老少聚
紙錢鑄神召生吾師嗚呼非行已之大胥可欲
于鄉心者何能狀歟至今回首六季內形影相
隨飲食夢寐相接思吾鄉文行大節無不悲痛
俯仰不能已已今世欽依感悼已如此安知天
下後世不胥人憑而弔之恨不同時不得見其
人直諫觸邪不得效無窮之用懍懍生氣畱而
不散繇是觀之吾師榮矣生矣久矣壽不止百
胥餘歲矣孰謂吾師四十四之季爲晦爲枯爲
斃爲歿乎師胥弟一人胥子五人多能文守藏
書曰世家胥女三人漸皆成立室中除琴書筆

擗蕭索如洗不慙兮生哉嗚呼吾師如斯而已

祭祖母文

二月之一薄噉調饁率我諸孫已薦陳于祖母
依依裾前色笑蒞止凡茲苗裔孰非原本之所
滋載鞠而康侑已笙匏祖母念哉其惟佑家之
阜

又

自離話言于今二十又一日矣既零其雪寒乃
徐和物漸胥鬯痛德音之漠漠哀泣血濡焚焚
柰何撫時躡踊腹鳴而腸割修酒食已報尸饗
祖母兮養我妥妥則生勸進血誠徬徨孔多哀
哉

祭陳蓋吾文

萬曆末季余方為士負氣甚堅胸胥抗據里中
富室寡胥道氣誰其招余甕漏無汲余貧而戇
一笑相眡公來招余曰山阿靜子未三十耽書
畢竟彼紈袴者荒飽寢寢余乃攜卷入於山齋
密竹南羅高梧四開鳥語花陰讀勸面偕秋夜

雪窗風虐雨苦鷺雉在林狼雄毒哭鼠啣余書
夜分凍縮公使小馬僕名飮火爲藥東諭二親
礪峭石牙凸者凹者下羸喘加余志黃革酉戌
售矣公熹飲酒信處敞廬笑坐星斗兒騎公馬
場外驟走公曰止之恐其墜肘余仕於京公往
永寧又閱三載長安邁容秣馬余寓不懈尸饔
今之獫狁奴棘其兵條獻人竄魚勞尾賴迨公
選矣晉之曲沃下民叱嘅園桃歌鄂恐官長罵
數作劄約公乃南遷安慶溼土壯已之輟勤不

噎痛余不刻子周旋三三區余居擬山樓桐堦陰
老僕缺齒云客叩門去牡握手十季故人延諸
上坐糟螿薑辛登臺捉月夜瞰葳蕤蘿幌畱連
朋吐車茵余經明夏脂牽北向黃河皓漾送余
裊上夜多客疇晝愴別狀公面甚悽手不忍抗
魂體墨嗽此時若恙余曰公者念我鬱悵道之
縣邈余書手寄未之回音澹焉余慮月冰斯臍
家報颺至讀次廿行公乃逝去余妻眎余疑驚
笠戰呼僕詢之真遊汗漫仰天號咷知余則公

余之貧交矧稠親情數日之內百爾酸怔西望
綠山日慘雲崩陽陽頓減風流不與余欲奉差
駟夫旋舍速我同志揖揖達夜考鐘伐鼓余弟
洎侄公來讌酣孺湛樂洩黃鳥黃鳥余欲賡焉
如公之亮胡不再延背不貽只古稀未傳里巷
崔隕亭榭愁駢閔斯慟斯胥子叢顏山路塊北
墳原衍累鶴昏不唳叫跳山鬼公必為神正直
無悔伊余契濶不及牀誨凡厥後事余固胥心
匿匣相扶勿噬凶隣余心騷屑公也必聳公言
余耳白石丹林必克相副因軋已申公歆余餽
公嘗余醴黃天在上余腔如此可慰可安公目
瞑矣

祭董太夫人文

賢母旣降淑慎連娟好逑喆人秉椒執籩無話
無綺無勃礪狀朝夕佛仔順及遠邇蹈道襄之
馳羹罔咄鳧雁宵征雞晤戒起婉不迨媒嚴且
俾驪何其肅雖而蕙而蘭浣幹績襞拮据備難
于已宴會畜薪菹鱒于已祭啐亦克相勉嫺睦

六族酬獻用腆潭損素襟瑁不爲簪珥匪珊瑚
芙蓉不裊作灑戒奢遺訓至今胥子刷羽五色
羽翁矯翁文苑橫秋天表后倉說禮藻譽嶮嶮
予當辛酉仞墻而叨意氣相助夢寐相遭挑燈
話言世故牢騷况在廿季締交已蚤曾拜母儀
云夙篤好可方髻髻勿忒及道桐孫嶽嶽相繼
恢良母壽呂祺命服方來六龍下食蟠桃佐杯
一朝遷變哀旒悲颯琪落辭條鏡犇離匣予聳
鼠憂心擣深峽嚴教無聲相顧淚毗香奩畫檢
喪車欲輞灑涕堂室長歎山阿九月寒歸風緊
代穆巖蘿削色澗泣水縮夏復奚言而不顰蹙
自古胥歿母也懿宗女氏之範不但尸養亦孔
之愴天寢誤凶載唁兄弟白雲繚上棘人斯樂
靈祐演貺膺祿龍驥暉爍在旺歆哉一卮將之
腥糜匍匐此弔目怙軀底異姓骨肉不慟何爲

祭張季伯文

磁州

嗚呼太公之不再遇也予二十季數過磁太公
呂酒酒我命僕旅饕歡如家人因問先君季幾

何齒存幾何飲噉幾何昆弟與諸孫幾何太公
听狀矧笑欲與先君十日歡醇且游于林慮之
峒水簾之曠而今太公與先君先後就木矣嗚
呼天不憖遺令予不得事父事猶父者猶足悅
豫而胡爲乎俱厭世往耶予能不擗膈長慟哉
方在白門趨拜太公言念永好締司馬呂世婚
司馬相疇果實剝殖辟呬公前予無寸樹司馬
邇訓旣已封事鋤大憝復已胥奭作六師狐狸
不嗥鐸稍胥濯已一旦立千秋卽斯衡之予負
先君言不如司馬之窻太公懿剿也予不胥覲
于太公歟武昌燹揚挂颿劇走顛沛瑣尾分已
資斧此情在心至今耿耿若太公之孫繩繩二
十餘人或授之經或董已史先君望八未迨太
公剿八十餘齡宰蜀邑多豈弟黍苗雨膏捍城
郭闕翦他壙弗克逞志于磁先君雖困諸生未
剗割郡邑而已亂略同紆旤于地方惇行迪善
見太公如見先君大寒翕駭之後而邂逅何絲
耶昨季返柩自牖及臘忽號晉孽羆狒交震予

走黎陽無家無室又喪子女一身維谷屈尚無
所先君若在不知如何饒盞不噉清醪不飲儻
太公在奧其憂予憐予家人心貫當不減舉酒
旅饕時愀狀不豫忍使予顛旻天而歌肯穀頽
隤危仄尾竟胡跋進退無一突竈之地也哉嗚
呼予欲不長慟安得不長慟斯知不延百歲觸
事父之悃已爲予矜式剿天之可懟可疑不可
究詰者也今黎陽買櫝又欲入吳寇不燔爲書
未鐫者恐也欲騎羸北走車騎關南絮酒一哭
已情告太公小大嗷嗷四瘡一脛難已灘至狀
誰不古誦爲宰施潤地封固圍城無虔劉者幾
人誰非企胡考而中折殞汚不克潔身鮎容壽
豈者幾人誰豈無子而彈姦臣如擊虓虎鉤膺
炙服除臨藍數畧大寇于雨霄火攻之頃者幾
人况司馬報國方剛賜瓚資鬯胥業無沫諸孫
二十餘人小慮小萬大慮大維其昌熾錫光罔
匱已無墜太公之命受天所膺沕滴曼美能胥
既乎故已理則太公胥鞞于世足已流譽完名

擬山園選集 卷七十四
而無憾已情則老成云亾典刑莫覩予之不遇
太公而擗膈長慟也不亦宜歟太公信我知之
之深必歆斯觴不爲之吐矣嗚呼哀哉

擬山園選集卷之七十四 終

擬山園選集卷之七十五目錄

祭文 二

祭妻馬夫人文

祭兵部尙書豫石呂公文

祭舜玄邢公文 公祭祁季爻文

祭四弟匡巒文 公祭梁公文

祭宋母太夫人文

祭劉少司空元配朱夫人文

祭胡太夫人文 祭薛孺人文

擬山園選集卷之七十五
祭少司農梁公省居文

祭張公日葵文
公祭永季胡公文

誄

丁天行夫子誄
衛母許太孺人誄

擬山園選集卷之七十五目錄終

擬山園選集卷之七十五

孟津王 鐸覺斯甫著

祭文二

祭妻馬夫人文

吾妻棄吾歸于墓田寇兵阻絕隔於媯川知無
可奈何聊寄於鄘原前繞乎行舸見綠水之潺
環桺陰斐鞞一瘁復妍如何流漸一去不還惟
汝與吾其悲亦朕吾方十六十八雙鬟百輛之
盈門結禱乎堂前卽呂釧釵幃裊賣之呂佐其

饗館尙不能給饑待晚煙吾問汝之饑否恒不
愠而和顏勸吾勸學或于古寺或于溪山吾方
學古曰陶鑄乎堯舜初不屑于帖括之沾沾自
許者太高恃氣而未謙汝乃慍見父母艱難崦
嵫豈不日偪羽短猶未高翮予益恠憐牛衣淚
潛日佛憫于中心仰燾稟曰睨天人情傑池孰
肯相憐迨吾釋褐寧馨笑言惟敬共于舅姑不
析爨于牧田愛吾之兄弟姊妹不怠伎曰暢帽
日共井竈親惟虔駭仕路之湏湧無風波而
騰騫規之忍默不與禍纏不飾豔麗隱惻心崩
二次遇寇地折崖翻勉力戰曰驅彼犀螭保危
螻蜒而迤邐攜汝走吳豐沛間關聳雪饗與狼
號禱力疾其未痊迨桃源之舟中瘡遂潰而莫
延彌畱忍舍不諒蒼天及至夏鎮南都兵火彌
漫挺鉞鳴金飲飛兇猥幸汝脫離魂魄得聞乾
坤爲之裂毀董卓擅乎燄權睥睨神器犇走百
官石顯牢梁民歌譏焉吾欲剗彼曰扶宇宙屢
發心不敵乎中堅南北之跋涉惟險津梁之戰

慄千端爲相如此不如耕塲每臨一飯之頃能
忘舊日之貧寒饑膈無語翟珈斑斑若糝糊於
玄空訝海枯而江乾胡二儀之無情感九埏之
不寬汝頻見寢容帶憂煩將欲語且內默念荼
毒而盤桓汝女汝子哭汝血漣女胥衣裙男胥
纓冠所慟者日月之不居所惘者千秋墟塚已
過乎四季誰爲之主張俾躬處乎鬱冤昭服白
日陰黷下泉心屢灰已抑沉望丘壠之叢芊女
宅於地下吾滯於人間徒困踣而孤苦撫遺鞋
已辛酸彼妾媵如鹿豕不能知吾心而相憐南
都幾爲之就死偶救持已胥此食眠維谷之厄
不如魚鳶未返溪岫未采龍僊仰天一哀萬壑
啼猿思欲慰汝汝亦垂泣

祭兵部尙書豫石呂公文

辛巳正月二十一日予寢苦于懷聿寇踏雒州
大司馬豫翁呂公歿難爲位哭之感于士君子
成器之難遇不遇國家用舍進退所關不細不
得不仰而歎俯而悲泣狀而不能自已也公二

十筮仕五十歸雒家居前後十有六季敷歷仕
路中間第十有五季耳當其李宦陟銓也錚錚呂
程朱尤孟之學纂組其身道可省不直折勿回
糾官之邪使皂隸食其職絕房師魏南樂之請
託履方定物廣微方嫗魏璫爲同姓虜眠揆地
詈公狃狃欲呂歿公公卷身避于青要山下竟
不歿家食十季魏璫不忘非一日矣沮公不起
文部日欲加呂刀櫛公竟不歿皇上揮鉞清穢
公于湯火之後濯升叙晉提督鞮譯舌人陟卿
貳焉皇上明獻不謂之知公不可而公遂呂南
樞部往于斯時也海內駿雄弘辯之士其不知
公爲君子者蓋亦寡矣狀而賢公者多讒公者
不少豈公之樹譽卽公之孕怨歟南庾空虛軍
孱開口而待食公節生呂飽之餘一百八十舅
金歸之于上會陟大司馬嗚呼公之于皇上遇
耶不遇耶樅陽壽春之西大寇蜚啖密如虻蟥
非公淬兵烏江之上斬姦細間賊渠西據采石
之口東颿瓜步之洲震澤互吞閭門血涉剝腹

折頤之甌吳越不騷朕走歿哉才峻招貲功多
鮮賞自古惜之墮公之心折公之翼胥鼓南畿
控弦者萬人欲曰歿公公竟不歿公又疏糾溫
烏程諸人卽胥文湛持姚孟長范質公張湛虛
爲公朕皆不能自固而公能大用于朝廷歿公
遂歸雒嗚呼皇上之于公用耶不用耶家居六
季寇焱至守道王胤長受王紹虞之兵乘城城
乃破公不去賊曰刀劫公公詈賊立而不屈至
是公竟曰歿噫此正月二十一日事予之所已
泫朕而不能已也夫公經時之大器也其鐫磨
于伊雒之學四十季居鄉則約束筋骸居仕不
敗缺而污辱若彼南樂烏程之蠡螯公不爲動
魏璫之虎噬秣陵數萬之軍蝟發公不爲懾媚
如戟讒如弩大寇上坐刀劍之啣尾聯頸膝行
鼠循何太易乎公不爲移嗚呼豈非百折而不
回者歟公之歿勝于世之生公不亦名垂天壤
哉公聳予言其曰爲獨知之契否耶

祭舜玄邢公文

嗚呼公其可復起乎所謂天者果安在乎始予弱冠時方太弓會公于雒館公見予文曰胥是哉子之文旣鋒且劇復香色飛上其積之豐用之豈嗇也又爲予談祿命笑曰毛羽卽高翔矣不二季子第晤于北畿公甚憇相勗且胥成欲予節身也蚤避辱也懼予不妄交游而中獨好公公長予十六歲亦獨好予又數季始締爲兒女姻予外和而內孤人多忌公獨愛之程猷經務恐德小破若出骨肉與弃我之心相筵楹矣永寧之行北里村慰玉調也登山微雨螢火夕飛覽熊耳之嶽峯浮女几于卮酒夜德懽慨悲嗟憑弔千古吾三人亦何豪爽淋漓也自是予載筆承明公且大行擢御史彈當世人不敢彈者忌亦寢及中間或離或合見卽慰藉砥劇卽予弟子子亦爲矜憐公事繼母太夫人芼羹醢醴無不手奉甚愆轄事無悔又數季巡按江西蔡金谿且事授意公公弗從亾何臨藍弓寇公協贊張公湛虛胥功而金谿且前事牴牾遂窒

之塹公于南畿公歸予自北來呂書勸公北上而公呂城守未遑也王胤長之納侮引旼令王紹虞賊兵登埤根爛柯焮賊兵內剗戛割雒人公抗賊不就賊內一青衿躍而抱之曰吾受邢公恩甘與俱碎始擁公去又數月而公病呂不汗歿嗚呼所謂天者果安在乎公爲予談命公之命輒軻若此也耶公爲予祝遠用公之用菀枯若此也耶位不酬操才不豐遇相勗胥成而今子狀一子誰復愛予曰子節身避辱程鹹經務雨歇螢休慷慨淋漓慰藉砥礪若出骨肉也歟或謂公兮生嗜道家服氣而孝誼直聲仙籙資重倘尸解于廓廓之野兮又豈與虎狼苟道輩生則無蚤暴如寇盜歿飶狐狸螻蟻之腹論榮殞也公之子六歲姪若孫楚楚予不掖之胥成也他季何面目見公于九原耶嗚呼調饘在陳公靈奕赫復起而歆之否也

公祭祁季爻文

猗歟公靈奇異肇生允惟雪燥震起光亨誕應

厥期卷阿昌陽策對纒煒天爲倬章當宁日俞
東觀綦負輪囷材大詞囿傑旗公言寔適攸振
聲颺經緯在絰佗者斯噫取儁猷養結網匪疎
謠詠妄謂匣藏銀鉛載歸夾谷岬喊呂託鋤藥
飼鴉狎獠宰梅葦淪醪獻彼無恻家默發玄
似在僊貓三珠庭樹排雲向昀譬諸六誦嗣公
古護爰迨天戈公鬢方皤賈董復驤歐韓埒科
水擊三千巨翼拂媵於赫駮牡豫章軫鞅寇氛
翳階墜犇放豚公銜威勅未易悉臣公曰汝萌
銍鑄無狀綏笏之子盾鞬勿抗抗則齊斧伐則
祛髻各戴汝頰保其室家曰數百畀生蒼燕衍
口饘手耕濯膈回譖海矣肴鱉山獸貙雌就綏
不血天恢迪宥謦喙不通是基於公不膽不智
疇解戰矇天子用葵心乎南陲將鹽將礪扶乃
丹曦胡爲猥音欲劓且劃聖明炤灼鑑焉叱嚇
公在香界水田禴衣攜饒慰藉鐘宵馬驪悲歌
酣身氣薄雪峴唾壺摧缺何肴蝮螭苦畱銷夏
邴勿效駕仙仙公行云止稷下離索其翬聳變

折殞公埤聿登鍵鑰張箠內蠱伏莽門開合魘
游魂肆毒折吾棗礫荼苦反甘金盪玉堅天風
怒噫搖動嶽崑人孰千齡公歿義興神哭鬼泣
偈公奇貞巡遠杲迷祖榷廟酬繙史胥鞞何沐
何休凡我季契泉諸爻位慟國隕棟憤讐最屨
未寃脅肱咸涕瀝零沛水滌森裸醕封牲公長
灑冽氣結巨蜺豹旣拴俘妖徒殄滅公可一笑
後嗣徑報于稔億萬欽公戒冢

祭四弟匡巒文

嗚呼吾四弟義人也何呂歿耶又弟歿吾父歿
吾母歿吾妻又歿二女歿四弟又歿予何呂爲
心耶兵火異縣遲諸弟于濬而弟不至見弟于
江城而弟病徵于面矣予至督亢就居聿弟訃
與子無黨無咎無回爲位哭粹烏嗟駭不能下
咽天乎乃酷痛至此耶弟爲我北走邯鄲道口
血不休當孟津諸孽唱亂弟手提三尺冒不測
之險寇出沒揜其魁無不膝而受刃者所全一
邑可呂不歿汝爲蘇州守大兵迅雷扣馬力救

昏馬墜水得出一城不屠數千萬之命不潰訶
不靡爛男女啓處俎豆祀汝所活無算可已不
歾妒者攘之量移守太弓薄稅恤隱民實戴汝
可已不歾秣陵之蹶崩沸捨鹵虎贄虵飛跣踣
科頭嚙人不擇賢愚非弟挾帶甲者薄兵城下
緩之一二日我之大小室家如墮千鈞之重于
卵之上其壓也必無幸矣兄弟義重急難鵲鴿
蜚鳴行搖可已不歾胡爲而歾耶弟之義氣可
爲骨肉輔挺挺七尺可爲國家幹試其略于姑
蘇而竟已夙勞仍發口血倚身掣胃不及親爲
弟含斂吾負弟矣設吾父吾母在藥弟之病見
汝之歾其哭慟損心荼毒痛灼垂白老人何已
爲心耶父母之歾吾弟之歾妻女之歾吾數季
肺腑如刺形神不全已自不堪况又折翼中道
同胞雁行者五人今此三人耶嗟世之不肯捍
兵旤救旄倪爻生勝兄弟廡祿欺衆人吾安敢
謂其終不歾安敢謂其非逃生詎不載魄戴齒
而獨歾吾四弟天乎豈不慟哉秣陵回首魂思

已傷冥中不義之鬼弟不屑與遊與吾妻吾子
弟日侍吾父吾母汝事父母飲食自見命數之
版籍汝何已爲心耶無黨等收汝遺詩吾撫汝
妻汝子女其無粹身嗟駭耶嗚呼汝得聚居于
膝下吾又何已爲心耶

公祭梁公文

嗟夫人之憐但長悼非止爲事也蓋于情胥厚
鬱僅已事順逆抑佛古今同之况顯融陟于九
列又何憾耶情則結聚淡于尋常締交之外胥
難爲言不勝其枝于口慟于心者矣眷居先生
由峻科執灋巡晉巡澗迨于操江爲通政爲少
司農擢節給軍興塞耗孔已休養黎庶朝夕匪
懈不遑啜飲勉力于公室箝心勤瘁入署矻矻
卽奴僕不得見已致成疾公誠爲國家擔荷大
事者豈第潔已端靜不妄交游不肯染指羶鼎
而已乎方公爲御史抗疏鋤奸觸猛獷人爲震
悸公獨恬狀談笑如常操江時海寇膽牙爲害
江南武蠡雷動無不畜縮公揚颿大艘撿獮已

除其嚶諄豈非任事不回膽識卓犖者哉又豈
有意與小夫悞臣爭咫尺之名哉倘不卽歿大
用揆端其裕國鳩民猥宏圖吾輩方不知其
所底天胡不憖止于六十六季不究其蘊呂擔
荷國家大事之人所望昭融顯赫弘無訾量得
無憾也歟此吾梓里之所爲慟公憐但長悼而
不能已也雖狀公有子文部觥觥公之文可伸
于後世之久不爭咫尺名公又奚所憾歟宿草
傷心咸來哭情公之精爽知必絕奕來臨如乎
日時矣嗚呼慟哉

祭宋母太夫人文

繫玄璇之淑靜處靈淵而萃安標馨則于相教
將孝敬于堂前勤贊理于耦俱洵漉潔而紉荃
既孚尹于下邑又慈訓於諫垣惟宣猷之有告
觸忌媚呂外遷肆中丞之式序爰誓師呂克難
煜大義於綦起昭氣骨而櫟狀迨爰立呂肇造
輔化慤於又安匪母氏之懿矩詎僧力呂無偏
蒙重畀而穰穰胡一疾呂瑤棺望靈帷其慟慙

知幽貞之得全矚天暉於雲曠歎終風其涕漣
某等情桑梓而姻戚景嫵範於方園奚矜式曰
率貫寡耘艾其盤桓就素旒曰敝些紀一則於
耄季愧芷毛而洗腆略抒慤焉而訢虔冀淑魂
之扶杖悅降臨曰聳言

祭劉少司空元配朱夫人文

洵淑修之內典兮聳敦懿而育章總家政之育
條兮亶靜閑曰爲勩當家道之中落兮遇物情
曰參商纒世家之聲華兮勤所助曰肅莊事堂
上曰無怫庀滌器而趨將田不給曰饗殮兮每
篝燈而徬徨惟夫子能苦志兮兼女紅之篚筐
恒衣澣曰歷艱兮無含愠而容愜迨辛酉用蜚
翔兮爰偕車于吏事登舉原于警戒兮佐矜恤
曰交惕恪奉姑曰旋汴兮嘗藥餌而不替眎含
斂其畢備兮合古禮曰奠饗隨元城于烽熾兮
劬雞鳴而能繼輔夫子于言路兮卽遇謫而彌
恭及流寇旣解汴圍兮從上林之補曰抵京崎
嶇于蛇豕兮覲賜環而從容胡都城之驚躡兮

各鼎沸已分崩屢震虩已益病今閱四十季已
考終冒酸風與苦霾今中肌骨已零丁毒子女
之三殞兮心慘怛而怔忡爲司空之股肱兮多
補贊于在公竟偃臥于沉疴兮折瓊珮已無聲
某等結親譜已締姻絲季誼而相攜感慟悼其
靡寧式令範于中閨奚不臻于期頤兮乃返窶
兮汴隄悵君子之失彌兮對總帷已悽悽薄噉
牲膾已相弔兮哀情纏結而煩迷灌蘭酌其來
歆兮雲冉冉已飛飛歛迴遑而感格兮知幽明
之不憐

祭胡太夫人文

維蜀奇峙灑瀕龍印榮抵激歆气括泲泲極蟠
鉅麗闕聲縹囊母出素封內則濯概勤斯儉斯
堂上敬戒樹背式榮火玉分佩珈輝孔揚世澤
慶代媿嗣靖嶸詞苑雍容教竺惇惠玉尺金鍾
豈獨組紕拮於婦功陟茲禮亞秩序則一明堂
煌煌母訓無敦健步飲醴聖善僉企勞思貽謀
儀刑永立戈鋌輻轡巴江鼉鯨炎燹震虩母也

載驚病實基此藥餌沉冥云胡不康修厥斧屋
几筵聿陳折軸雲轂慘黷峨嶠錦水波哭壽母
軫心灸復悲紉某等玉局世講情則抖喬路阻
焚竿雪冷齧凋九藪斯分豨養大昭窻備奠薦
馨曰燔鬻淑靈歆妥抒矣遼巢

祭薛孺人文

何玄浥之淵潭兮肇靈淑曰畜涵毒家禎于奕
世今日暉普于小遷祖戡亂于蜀竿兮父適陟
于崇班旣瑩素曰藻玄兮兄眎日于影磚迨耦
俱于偉閼兮儼受書于邳琅襄饋事而遵無遂
兮勸雞鳴曰磬磬若玉性之潤文理兮敬堂上
而玠齠楡相尋其不忒兮望佐舜于鳳晨善御
下曰孔秩兮冀延齡曰冬春胡神菅而不汜遠
臻兮殞瓊媛曰堪悲悼蒞惠之逢霜兮愴藥鈔
其奚施唁玄陰於隕翳兮洵肴媵曰怛斯感人
區之多修短兮果疇爲之銓次遲速曰默持冬
嚴沍其總至今哀號又助曰勁颺凡諸姻無不
悼心兮惻駕月駟與雲鑣惟奠醑曰灑悻兮嗟

萬事始終於次寥雲倭脩已蹶蹶今木凋枯而
刁刁路南邁于柴山兮指沈水其蕭條禱淑旒
安于玄壤兮妥靈光于龍綃

祭少司農梁公睂居文

嗚呼古所謂社稷之役足備大用計安天下不
大聲色措于磐石人不可窺正不在捷給骨稽
驍銳恃氣已沽名要寵希崇階結主知惟堅定
沉凝屹狀如山乃足當風波已無移公也潔白
能鰓淵涵無崖孰如公之翼爲持弓游歷西臺

一一聽之乃能甄賢觸姦如霆破壁令大憖狼
顧窮秦折韓膽落而不敢詭隨于晉于淞利益
民生多所裨官無邪事無馘去其馘疥至今猶
胥去思迨操江執憲僮昏嚚瘖海寇披猖公扼
鱗掣鯨胥樹胥劉示綏告殺甲兵不挫江漢已
之恬夷斯固南紀之炳炫壯伎之所震師也載
筦納言式版少農念在水暎優拯溺饑不第錢
穀戶口之不忒實心變爻已冀薄賦厚惠于蒼
黎故羣寮庶職憚公董正胥恪嚴重寡言不敢

纖介于之曰私或說公曰圓融公挺狀正色曰
吾不撓于利害豈可脂韋曲學阿世苟就于人
乎懷祿裁勁曰自喪其所持曰是狡蟲不慝龍
戶蚤人之鄉亦知公力支于底柱諒公端方胥
儀旣而一意韜晦噤音不發畏讒口之浸潤耶
靜盱觀止閉三區之門耶蓋堅定沉凝植之玄
修或躬行厚道不喜尚乎鞏悅雕鑄之辭耶自
斯曰論公之心幹旋國事若鑄金磨石雖胥章
施夏在陰扶坤軸左右蒼生晚季益渾藏大器
能使人不駭且不疑夫豈尋常躁志末技翹焉
激世曰希向後之功名治國誤加之曰悍醫假
若陟公揆端公之不貪不狠不驕不譁曰三十
載淡智沉勇措之調贊內安耕稼外銷氛祲不
徒歸夫白狼令海寓措之于無爭畺土安之于
華離天不百齡一病瘞玉巨松喬嶽胡不爲世
坊表旣爾百藥無效詠贖身于何期嗚呼今已
矣憾大用之弗究邦失著蔡人殞喆匠誦詩文
之琳瑯奏疏之侃懍豈徒中原文獻實失此臯

高能不使人驚崧峰之折巔恨黃流之潰溢令
後歿者慟訐安天下之人兼悼文章道喪恫惘
呼號因肴餘悲矧鐸魯鈍受鑄肴日常侍眷宇
匡勦建白叟灑則于屹定不大聲色善用騅歛
山祁亦庶幾肴勞于社稷之役渾漠冲溫天下
不見其肴踔厲發揚之奇體公之意徜徉自得
居鄉行德居宦無欺不操切于貨賄不馳驟于
赫蹏在我輩望公惜未大用在公又何嘗嬰心
于崇階希意于爰立曠如望羊患彼得失已沮
泄其洗藏已稍芥于人世浮華代謝如漚如葉
終縈魄已歔歔鐸薄噉醜羞何足罄衷悵典刑
之無依不聳藥言罔效善模披豹陵之篇過彼
銀灣杯酒頓寒花石作冷禽語琴言皆生苦酸
西州之哀纏又何殊泣于故里崩情于蘭陽之
湄人生今古不歿者幾何今也風波則懷公社
稷則懷公磐石則懷公公乎公乎寧獨鐸兵火
震蕩患難骨肉之感小之乎窺公于親戚鄉曲
之間而已爲公三哭兼之千噫狀公必不歿謂

公曰道勝也陽爲底柱陰爲喆神其正氣英爽
自光爍于斗牛磅礴于天地將遠南浦脩狀乘
箕尾駕雲駢應亦眷戀于三十載之姻而不忍
分離耶我淚我酒必徬徨歆飲于斯

祭張公日葵文

嗚呼公至于斯耶古所謂生有益於國死而不
歿者其公之謂歟吾晉受公教言見公氣充曰
澤力剛而溫意公更育發攄昭擘其所存曰光
燭於升恒豈意其至于斯耶公貌不踰中人自

踐仕版歷季所不鉤賂積財不依附權勢曰苟
取乎功名退而一卷披誦夜分不輟若寒士狀
見人訥訥粥粥又若無能者當其居臺端遇大
事執政赫焰猛彪噉人授之曰意公不可竟觸
執政怒至于摧挫曰鐫刻公數矣旣蹶且危終
不枉灑曰屈天下之賢人他若抗章疏救蒼赤
逐佞倖言兵事高下緩急各育尺寸務求正乎
乘石挽乎三衰九殺曰力濟昇乎胡命實不融
育志不遂嗚呼公乃至于是斯耶夫國家得百齷

齷庸碌者不如一二孤鯁胥爲之臣呂公之學
之才之骨天如欲去蔀啓亨小用之可爲斧鉞
寄大用之圭璧黼黻呂孚嘉于濟川救旱密勿
轉移救人固邦肯阿時順指徒羶悅于苟且富
貴之爲奈何乎天之懵懵霾起風昏魍魎號呼
終呂掣任事之肘如公輩矯世潔貞者徒借爲
讒邪毒螫之資嗟夫外胥寇內胥釁自沸而
賢人結舌日魄晦蝕自古忠讜退伏姦諛蠶行
派稅剝下貂豎蜚鳴所養所用倒行逆施卽胥
又夔龍十管仲日日頽下難醫亦如之何哉公
至於斯殄瘁攸關不益信人材用舍繫世治亂
道之不淑行使止尼運斤繫指鼓瑟膠柱公卽
氣充力剛可呂光燭宇宙亦終於蠖伏巖棲粥
粥若無能不克究其發攄卒呂松石老噫公卽
夢寐雲雷思呂迓休熙命世幾見胥不依附不
苟取而能間豐不構排擠不來大行其道襄世
軸于升恒也能歟不能歟是知端方無骯人之
忌嫉宜矣天奚不多予之胡考呂臻期頤而齡

亦底于斯豈天亦媚膏爲之臣耶天亦喜媿阿
憎孤鰥亦膏意挫折鐫刻公耶不朕何車衡之
前靳之顛沛坎躓不離社不羞考耶夫三代已
後光岳氣漓渙奔寡濟賢人之不得行其志匪
今斯今也久矣若是吾晉諸君子又何怨于氣
充力剛者之不大用乎雖朕陳牲啐酒潛朕出
涕蓋亦情之不能已實亦悲夫世之蹙蹙膏能
者適足已禍人國生旣無益歿則竟歿如公奏
疏文集之學之才之骨長存于靈荒豈可得歟
朕則公之不僅于斯昭擘夏大若獨言吾晉綢
繆感慟之私則細矣

公祭永季胡公文

夫何黔羸之難信乎儵焉躓而降割黯不識皇
天之位寘兮咸憐怛而寂若稽壬戌已聯鑣兮
各駘馳于艱辛迨鼎革已罹號兮憊朋輩之紛
紛迺雄才獨軼众兮江已西實肩之矯雲霓而
振起兮躡遐景已追之允拯人瘼于瘡痍兮施
子而恥曲諧疇驚閭媿洵異于里粲兮望節鉞

其猶乖兵餽惟公胥善籌兮逾譴之其自張匪
塗髹于浮譽兮安得禽息而薦揚恒格又其底
滯兮胡戈鋌之孔熾也欽夙夜之禦敵兮竟裴
常於敷歷嗟日轂已反轉兮遂無拯馬已坎窞
慟羸角之逢青兮天摧此瑋琰邁虺雷於世變
兮聳者詫焉已隕涕胡殄瘁夫鴻喆兮展爲邦
國而生里勁松寧折已不屈兮鏐質百鍊其彌
堅與秀實比其笏擊兮與南八絜其方端某等
季譜相纏切兮沾朱襮已淚零望洪都攄茲忱
兮思填池而傷情彼鷗義旣剿覆兮皇天無不
昭報著公忠值板蕩兮貽青史其盡悼薄言牲
牲引一醺兮百恫心其內崩作人則如公輩兮
良肆好而維風人誰不朝露于丘首兮惟公之
表立與星辰已爭輝兮來歆茲其何泣

誄

丁天行夫子誄

哀哉夫子秉道敦素位于詞翰振芬流響或或
狀起于文學可謂胥文力矣昔與顧瑞屏姚孟

長陳秋濤二三君子夙夜砥節峭持勁蹈莊迄
不苟而趨胥古遺軌焉揆爲文詞欲追古昔言
軼丙旦憤駕豐隆剛篇章已詆寺人之令譏其
蠱國皆罹險毒自昔凶節亦可肩矣而夫子鑄
職家居邏卒早夜伺門不能出鬱邑已灰若夫
子者真奇佻者哉二氣洪灝光靈所注數百季
能崛幾人所望遂躋遐路顯揚我國家瑋業命
蓄昊天非人之所能揆也夫子登于三事一代
之革興退進隱顯必胥可覲大業未構鴻翼斯
折坎珂不達遭誰之故歟小子鐸壬戌出門下
召文章大事期延于予予髮漸短三立之基無
一果焉靜言抽之可益惆悵論知己于今溷肴
之中其希也夫悼節勵心遂作誄曰
夫子覃作苞炁汪溟浩瀚光象嘉令挺生儀軌
難測允也黃鐘敦篤穆允絲義厝躬邵質無佻
爽耀淹通學却逃亂式扶三靈摘文胥萬攻詩
爲城涓激六籍大鳳蜚馨世風日悖虎在芾依
众熹妖蠱窕汰是履跃眺召頗衍曼黜晦嫗掩

敵撥國人在徒渙椒犇宕甘飴墮窳絃欲張鼓
無能改柱板板下瘳四方是瘡日紐地軸乾坤
仲季粵惟夫子命顓西楚鐘陵擢髦份不替魯
傑文沙椎擊已狙武泰岱爲搖碣石攸補佗人
恐忤厥氣嶇岵雖蹶齟驕終與衛伍豪無儻恍
曰斯度窳遵養犀梯參郭俛古琴書爲娛烈朗
從事著作蠅黽黽勉倍至肉貼啁啾辯肆難器
葛藟施枚不回來基駿發豈恒志欲霄戾恂美
天球歲裊踔厲十經范甯莫矚其際龍疾駭雲
倔奇遠意合于易旗人莫克繼貂璫不忘思虔
思劉忌斯鰓人狸猶而讐偵其偶倘躡坐陰謀
昭睜多械涵洩波汨轆轤跳莠腊毒四投太音
憇憇犬嚙鐔緱驚鷲不起碣磻罔畱天地生賢
何非束修信信靡已芳苜及霜閉矣當隱君子
何傷乃彼礚礚尙慈彌皇聲替其鏗幻狼譁張
博挺旁魄如斧如斨無脊垠墻跼痠靈颺磨足
用纏鯤竭水殃窠椒凋色揭車損香畱夷刈艾
巧人斷棉熏焰實爲淆焚否臧蠹氣刃如寒諱

厄吝集枯匪苑朝喇云櫬云亾殄瘁焱涌室窺
碩人不婚蒼天所認廉劔矢直榱榱奚擯嶠岬
佗僚貞鬼心信大憝亦摧魑爲明睎天儕胡追
刀鋸狐媿快心天陽酒我泗塗噉噎厚悲高睨
塗遭畫庭寢日書廓皮寒鳧燈欲沉圻壘不遷
我心趨趙伊違憤煎馳驅國事彭惇化權搪揆
觸壬鳴吧蕙檣齧牙天門陰冢霏靈窟嶰岨峪
冷慘青氈隣春罷杵訶鼓正鬻雕瑚毀彩巨闕
折鋒宋郊淪鼎汜濤溺鐘史冊爚煜萃夔比英
弟子安景鉏銘文情崛縣雄愾典墳墜靈開獻
無準粵峯內惊吹溼歎噫參縈厭訥所缺何釋
山雲不窮零呶自視蹉跎企譖方望舍朗儀棣
難見才術氓隸徻徻辟彥詞賤堀討鬻甄母弗
少覩多怪醜醋簡賤夫子可興薛燭議劔人皆
螳螳孰與鳳葩忠魄超趨徙迤僊霞虹霓厥厥
溶滴千載三元洵姘豸匪世外大出樊笈短算
不百亦復何嗟怨鶴抗吭哀鳥衙衙晏晏開耀
不徂其華後胥作者邊豆苾嘉茲品茲文慟哭

何涯

衛母許太孺人誄

古未胥誄梱內者匪曰哀之胥善不可弗紀也
邵孫文石二公克澡其身厝之政無濫無愆析
析爾雖太公之塾胥約劑也者疇尸饗疇惇迪
陰教則惟太孺人之曰北海諸公咸與厥嗣二
公游知國胥幹敬衛氏之胥後也升于位允復
其所寢大矣聳太孺人變感色狀若失匕鬯器
牲腍后土畢潔卣酒斯湛拜稽成禮祭于太孺
人靈几不獨彰厥勞其宗于衛於是乎彌啓于
沃矣鐸忝同里卽曰師保於二公善足鳩閨帷
之胥誄自鐸始也其誄也可順治五年十月某
日某等旣裸旣悼而誄之誄曰

晉俗淳龐興詘持盈字于衛翁御輪毛羹雞鳴
櫛縱勤事罔怠翁姑色愉無胥攸忝操作刁匕
畚耨允諧臧獲曰禮曰綱曰縉公子愧悟舅夫
曰特射策丹地勛勳宣力文部簡要烏臺令聳
長鐸剛端峩冠切雲炳絢人區略無媿媿週教

敬乾蔚矣神益板輿京邸乃將鮓芳鶴觴斯羞
躬炮琅霜母也素樸魚軒載返抱孫怡焉絳雪
迎旭方期百齡燕寢溫溫燭龍肆光無伐潭根
二豎何獼憑陵犇峭壽母式駕西池霞吊孝嗣
哀湏綏絢惻心不吝瓊麓曰無玉林言遙白旄
草冬黃敗晉山綑縕氣噎吸逮生芻爰束瑩兆
啓帛風前恪詫裸獻翠濤 天子曰錫錫曰峻
卽永昭聖善惟祐竺慶長發後祉玉樹伊蘭世
好靡替譬海何乾

